

2411

C O D I C E S

2412

io: *Omnipotens deus qui sine initio &c. Finis Resp. ult. sicut etiam homines signa firmamenti inspiciunt.*

III. fol. 116. Fragmenta quaedam *Libri Epistolarum Hildegardis. Prima* integra Epistola inscribitur: *Ad clericos sacerdotalis officii bildigardis*, et incipit: *Uox uiuentium alarum dicit. O qui estis sustentatio lapidum et cingulum membrorum diuersorum hominum.* Haec non habetur in Editis, nec, ut putem, in Collectione Cod. praecedentt. indicata. *Alter* est ad *Bernardum Claraevall.* hoc initio: *O uenerabilis pater. B. qui mirabiliter in magnis honoribus &c.* et extat in Edit. p. 70. *Tertia* inscripta: *Hildigardis ad congregationem puellarum suarum*, incipit: *Dominus dicit filiabus suis. In antiquo tempore spiritus sanctus &c.* Inedita, ut videtur. *Quarta: Guntero spirensi episcopo Hildigardis.* Initium: *Lux summe inspirationis &c.* In Edit. p. 41.

DCXXXI.

439 Codex chartaceus lat. Sec. XV. Folior. 37. 4. currente calamo scriptus et rubricis enotatus hoc titulo gaudet: *Incipit prophetia beate Hildegardis.* Initium facit Epistola *Gebenonis* Prioris in *Eberbach*, qui hic *Genenus* scribitur, ad *Remundum scolasticum* et *Reinberum Canonicos S. Stephani in Maguntia* jam Codd. praecedd. indicata, cum *Prologo*, et *Admonitione* prout

Cod. DCXXVIII. His succedit Epistola *Pbilippi Decani et Cleri Colon.* ad *Hildegardem* cum hujus *Responso*, et alia *Gebenonis* Epistola ad *Filias S. Hildegardis*, de quibus jam Cod. DCXV. actum est. Tunc demum varia sequuntur e *Revelationibus Hildegardis* Excerpta, quae incipiunt a L. III. *Visione* 11. quae in Edit. *Colon.* 1628. legitur p. 152. f. *Vidi ad aquilonem et ecce ibi quinque Bestie stabant &c.* Ad calcem adtextae sunt *Prophetiae* II. Prima de *Mendicantibus* a *Bzouio* ad an. 1415. producta, sed a *Bollandianis* inter genuina *Hildegardis* Volumina in *Coenobio Bingen* non reperta, ut ipsi T. I. *Martii* p. 667. testantur. Repraesentavit eam tamen *Fabricius* L. VIII. *Bibl. med. Lat.* sed a nostro *Exemplo* satis abludentem. Ita, quae adscribam, mox sub principium nesciit ille. *Fortes et sani a laboribus cessabunt et uacabunt otio assumentes potius ordinem mendicandi. Studebunt omnes nimium qualiter doctoribus veritatis peruersè resistant &c.* Ad calcem legitur: *Et floruit beata Hildegardis cuius est hec prophetia et sequens ante inceptionem ordinum mendicantium per LII. annos. Nam ipsa floruit Sub anno domini M. C. XLVI. Ordo vero mendicantium anno domini M. C. XCVIII. sicut in Martiniana habetur cronica. Non plane ita; Hildegardis enim a. 1178. obiit. Altera porro Prophetia inscripta est: De ablatione temporalium a Clero, et incipit: Quam*

2413

A S C E T I C I.

2414

Quam diu rapaces istos lupos paciemur et tollerabimus qui medici esse debent et non sunt &c. Philippicam dicas potius quam Prophetiam. Neque eam in Edit. *su-pracit.* reperio. Utut vero utraque haec lacinia ad *Hildegardem* spectet, aut, quod credibilius, aevo sequiore illi adsuta fit, causam certe eorum, qui tardius *Job. Hussum* secuti sunt, egregie adjuvant. Unde et Codicem nostrum in *Bohemia* scriptum fuisse, evincunt partim quaedam lingua gentis Textui et Margini minio adspersa, puta: *Pomoz pane wiernym, i. e. Adjuva Domine Fideles. Zla wiecz borzy ty kostely,* Mala res diruit has ecclesias &c. partim *Litterae* publicae *Simonis de Tiffnow Rectoris Universitatis Studii Pragen.* quibus involutus est, quibusque mox dictus Rector occasione litis inter *Andream plebanum S. Jacobi in Praga et Blasconem ac Johannem Scholares Uniuerſitatis* conqueritur de Archiepiscopo *Sbincone* in Jura et Privilegia Academica involante, dictamque litteram ad se evocat. Notae chronologicae abscissae sunt; veruntamen ex anno emortuali *Sbinconis de Hazmburg,* qui est 1411. et anno 1409. quo *Wenceslaus,* teste *Balbino P. I. Bob. doctae Sect. 17.* *Simonem Tiffnoviensem* Rectorem nominavit, de harum Literarum tempore statui potest. Quamvis autem idem *Balbinus Sect. 22.* e Cod. *Mf. Philosophicae* Facult. ad diem 9. *Maji* narret *Simonem a Wenceslao* tan-

tum Decanum ejus Facultatis constitutum fuisse, non tamen repugnat, praesertim in iis turbis, eum eodem anno etiam ad supremum Magistratum pertigisse. Id, quod *Litterae* nostrae docent.

DCXXXII.

Codex chartaceus lat. Sec. 9^o XV. Folior. 367. f. nitide scriptus continet varios *Tractatus Asceticos* et *Mysticos* descriptos a *F. Michaele Stainbrunner O. S. B. ad S. Crucem in Werdea* (Donauwerd) *professo* intra annos 1482 et 1490. ut singulis Tractatibus diligenter subnotatum est, quorum quilibet insuper *Tabula* sua sive *Indice* gaudet. *Primus* igitur agit de *Revelationibus S. Mechtildis,* inscribiturque *Specialis gratie dei sic a domino denominatus.* Constat *Libris* V. in *Capita* distributis, neque videtur, ut censebat *Fabricius,* ab ipsa hac Virgine Sanctimoniali lingua primum vernacula exaratus, sed latine conscriptus ab homine forsitan, qui ei a confessionibus erat. Ita enim inter alia L. II. c. *ult.* nobis *fol. 50. p. 2.* legitur: *Iste liber fere totus a persona sibi familiari cui secreta sua reuelare consueuerat ita conscriptus est, ut hec dei ancilla ignoraret.* Prodiit primum latine in Corpore variarum *Visionum Paris. apud. Henr. Stephanum* sen. 1513. f. Germanice ex *Coenobio Thierhaubtensi* 1597. 4. De *Mechtilde* plura apud *Oudinum* T. III. col. 239.

G g g g 3

Secundus